

DISSERTATIO INAUGURALIS
M E D I C A

D E

FEBRE MARAS-
MODE *vulgò* LENTA,

Quam

SUB PRÆSIDIO NUMINIS SUPREMI

DECRETO & JUSSU.

GRATIOSISSIMI MEDICORUM ORDINIS

In

Illustri & Antiqua Rauracorum
Academia,

Pro summis

In Arte Medica Honoribus ac Privilegiis Doctoralibus
legitimè impetrandis

Publico Eruditorum Examini submittit

SAMUEL SCHAFFNER,

Aroënsis.

Ad diem 15. Februarii. Anni M. DCC. VII.



BASILEÆ,

Typis JOH. JACOBI GENATHII.



*VIRIS REVERENDIS, NOBILISSIMIS
EXCELLENTISSIMIS, DOCTISSIMIS.*

DN. SIMEONI NÖTTINGERO, Ecclesiæ Ber-
nensis Pastori Vigilantissimo, Avunculo suo
omni honoris & venerationis cultu prosequendo.

DN. JOH. JACOBO MEYERO, Ecclesiæ quæ
Christo in Schinznach colligitur Pastori fidelissi-
mo, Præceptori olim suo, Fautori atque Patrono
perpetim colendo, amando.

DN. SAMUELI SCHAFFNERO, Medicinæ Doc-
tori Celeberrimo, Practico Felicissimo, Paren-
ti suo omni Filialis obsequii & debitæ observan-
tiæ honore prosequendo, suspiciundo.

*Hanc dissertationem inauguralem in devoti gratique
animi & obedientia signum dicat & consecrat*

A U T H O R.

cribus plus minus inviscatis inquinatam esse, ita quidem ut ab his primùm nulla pars corporis notabiliter affligatur, tractu tamen temporis particulis hisce cumulatis & radicatis, imò majorem acrimoniam acquirentibus, viscera quoque infarciri, obstrui pertinaciter, imò etiam exulcerari possint: è contrà in febris hectica non tantùm massam sanguineam acrem admodùm & viscidam esse, sed simul nunc hujus, nunc illius partis solidæ graviores labem vel ab initio subesse, persuasum habemus cum Practicis Celeberrimis, è cujus sinu sive ulceroso aut scirrhoso particulæ salinæ, acres, & non rarò corrosivæ in sanguinis Oceanum, quâ datâ viâ afferuntur, aptæ corrumpendo succo nutritio, aut sufflaminato sanguinis legitimo motu, ac necessariâ particularum variarum in variis partibus secretionem, particulæ heterogeneæ cumulentur, acrimoniam nocivam mox accepturæ, vel sui stagnatione & mole sanguinis crasin turbaturæ & valdè dejecturæ, sicque ad febrim auctiorem, quam hecticam appellamus, viam straturæ.

Thesis X.

Explicato hōc modō affectu & parte affectâ ad causas, quarum doctrina Medico rationali, utpote qui per hanc ab empyrico distinguitur, curæ esse debet quàm maximè, causas enim morborum nosse, ut dicunt, ex Arte curare est; harum vulgò tres sistunt, quas & nos ordine exhibebimus, initium facturi à proximâ & immediatâ, indeque progrediendo ad mediatas propiores & remotiores, internas & externas; quod jam attinet causam proximam febris Lentæ seu παρασπώδης, constituunt illam particulæ heterogeneæ variæ, acidæ, salinæ, acres, viscidæ, crudæ, sanguinem non modo onerantes & à sua εὐκράσια deicientes, sed simul ob irregularem suam texturam in suo motu & unione continuò, minori tamen atrocità quàm in hecticâ turbantes, ita quidem, ut non
saltem

saltem motus intestinus ejus lædatur, cum aliqua difficultate per tubulos unà circuletur, sed progressivus quoque intendatur, simulque paucae subministrentur particulae nutritiae, quae partium solidarum poris adaptari, inibique debito modo in eandem substantiam assimilari queant; heterogeneis enim cumulatis, balsamicæ deficiunt, & motu sanguinis hunc in modum aucto, magis atteruntur, imò quod magis est, massa sanguinea, calore ejusmodi excedente, magis magisque excutit particulas nutritias poris antea incuneatas; neque hic subsistit malum, verum enim verò Cerebri & nervorum incolæ à tali sanguinis febrili diathesi in motum vehementiorem adacti, motum vicissim in massa sanguinea & hinc calorem in toto corpore præternaturalem tantum non adaugent, atque eundem perpetim continuando, non solum sanguinem, sed & corporis omnes partes humido suo necessario nutriente & irrorante privant: Unde stamina carnosæ, fibrosæque alia à tono suo naturali dejecta in se concidunt, flaccescunt, subsident, exsiccantur & exarescunt: Absumptò sic nutrimentò de die in diem non potest fieri aliter, quin Caro musculorum temporum, faciei, circa genas, pollicem, furas, lumbos, abdomen, cum pinguedine dictarum partium manifestè & ad sensum consumatur, ita ut facies illa Hippocratica emergat, quam videsis penes Hippocr. lib. I. prælag. 9. 10 & 13. §. Ossæ tandem partes, item cartilaginosa cum membranoso-tendinosi, licet propter solidiorem quam adeptæ sunt substantiam, & hinc resistantiam majorem, quemadmodum aliæ partes hauri absumptæ appareant, paulatim tamen magis exsiccari & arefcere videamus: quò pertinet illud Virgilii:

Ossa tegit Macies; Nec juvat ora Cibus:

Thesis XI.

A causâ proximâ internâ ad antecedentem digredimur

Thesis I.



Um propositum nobis sit bono cum Deo de marasmo febrili, vel potius de febris *μαρασμῶδη* tabidâ illâ mortalium pernicie differere, operæ pretium erit, in ipso limine dissertationis nostræ *ὀνοματολογίαν* tria in se continentem, Etymologiam, Homonymiam, & Synonymiam, brevibus examinare.

Thesis II.

Et Vocem *μαρασμός* quidem quod concernit, unde febris *μαρασμῶδης* nuncupatur, derivatur illa à verbo *μαραίνω*, quod Latinè significat, marcescere facio, flaccidum seu marcidum reddo, paulatim exedo; cùm igitur jam in febris quadam specie partes corporis omnes depascentur, ipsarum succus nutritius absumatur, viresque labefactentur, patet vocem *μαρασμός* febris lentæ naturam satis exactè, primò statim intuitu exhibere: Quantum autem spectat febris Etymologiam, cùm hæc ad nauseam usque jam ab aliis data sit, libenter præterimus: Homo, nymiam quod attinet, sumitur vox *μαρασμός* tripliciter, vel *Latè*, pro omni corporis absumptione & extenuatione: vel *strictè*, pro ea, quæ febrim lentam conjunctam habet, oriundam propter partis cujusdam internæ, ac sæpissimè principis LæSIONEM: vel *strictissimè*, pro ea corporis consumptione, quæ febrim lentam ut umbra corpus concomitatur, sine ullâ manifestâ cujusdam visceris interni mor-

bosâ diathesi graviori, & quidem de hac *μαρασμῶδη* febre inpræsentiarum acturi sumus.

Thesis III.

Vocabula eandem cum Marasmo significationem habentia, sunt partim Latina v. g. tabes, contabescencia, macies, aridura, marcor, emaciatio &c. partim Græca, ἀτροφία, φθίσις: febris tandem *μαρασμῶδης* pro synonymo agnoscit Febrim Lentam, quam Germ. per ein heimlich aufzehrend / oder schwindfuchtiges Fieber / langsame Ausdörrung / oder Leibes-Auszehrung / Schleich-Fieber / dixeris: Non nulli febrim hecticam idem significare volunt, in quo tamen ab illâ differat, attigimus.

Thesis IV.

Sed satis jam circâ nomen hætenûs occupati, nunc quoque ad rem ipsam devenimus, quam sequens descriptio satis explanabit; *Μαρασμός* est lenta totius corporis emaciatio, oriunda à febris continua benigna succum partium corporis nutritium, cum spiritibus paulatim consumente, conjuncta cum pulsû celeri, parvo, siti, quandoque sudoribus nocturnis, urinis nunc crassis turbidis, nunc naturalibus similibus, sæpius citra sedimentum: Aut si major febris *μαρασμῶδης* aut Lenta, est febris continua benigna corpus nostrum paulatim emacians, oriunda à particulis peregrinis crassis acribus &c. sanguinem in suâ mixture & motu turbantibus iisdemque symptomatibus modò allegatis stipata. Dico febrim lentam esse totius corporis emaciationem seu contabescenciam, quoniam nutritionis omnimodus defectus non statim sed paulatim & successu demum temporis in corpore toto persentitur; Et hæc ratione aliqui fortè inter symptomata actionis imminutæ vel abolitæ affectum hunc referrent, prout malum nunc recens, nunc confirmatum fuerit.

Thesis V.

At verò cum emaciatio febrim hanc necessariò con-

comi-

comitetur, febris autem omnis inter morbos intemperiet,
& quidem, qui mixti turbatam unionem nunc gravio-
rem, nunc mitiorem, nunc magis, nunc minus agno-
scant, recensenda sit, etiam hinc febrim, de qua agimus,
continuam, benignam, & lentè totum corpus depascen-
tem ad ejusdem speciei morbum referemus: hanc autem
febrim lentam accuratè distingui volumus ab illâ sympto-
maticâ, quæ pro matre agnoscit morbum aliquem par-
tem quandam corporis internam & ut suprâ diximus præ-
cipuè principem obsidentem: v. g. Ulcus pulmonis quam
phtisim; obstructionem graviolem Hepatis, Lienis, vel
glandularum mesaraicarum, quam in adultis ἀτροφίαν,
in infantibus παιδατροφίαν nuncupant: quibus si lymphæ
in thoracis vel abdominis cavitatem exundatio accedat,
hydrops nunc pectoris, nunc abdominis seu Ascites voca-
ri solet: quæ verò macies à seminis perpetuo fluxu or-
tum trahit, Tabes dorsalis; quæ ab ulcere alius visceris,
aut fistulâ, Hæctica fistulosa, vel simpliciter talis; quæ
à vermibus dorsalibus Comedones: quæ denique ab aliis
vermibus producit, Tabes vel hæctica verminosa appel-
lari consuevit.

Thesis VI.

Ex dictis videre est, hæcticam quidem omnem simul
Lentam includere febrim, hanc tamen etiam sine illâ sub-
sistere posse: febrim verò in ista corporis contabescencia
demonstrant calor præternaturalis, cum frigoris non-
nunquam vicissitudine, pulsus celer, frequens, & debilis
cum virium prostratione, item Urinæ nunc crassæ nunc
turbidæ aliaque in febribus observabilia, de quibus infrâ
fusiùs: Benignam hanc febrim dicimus, quod nec frigo-
re acri, nec calore urente impetuosè adoriatur ægros,
pro aliarum nonnullarum febrium more, sed remissiùs
& clanculum ex parte divexet, & inde etiam dicimus esse
lentam & continuam, cò quòd lento solùm pede, peren-

nante tamen gressu progrediatur, ita quidem ut infirmi indè quasi consuetudinem contrahentes, vix se febricitare sentiant aut credant, & hinc Medici auxilium vix unquam expetant: Et quamvis unâ vel alterâ horâ post pastum calor paulisper exacerbetur, nunquam tamen ad acutarum febrium magnitudinem accedit; sed paulò post ad pristinam suam æqualitatem redire solet; Vires interim ægrorum sensim consumuntur, succus nutritius absorbitur, donec tandem præter opinionem ad extremum reductâ febris hæc *μαρasmus* vitæ filum abrumpat.

Thesis VII.

Quandoquidem nutritionem ab hac febre nunc imminui, nunc aboleri statuerimus, explicandum foret jam ipsum nutritionis negotium, vel ideò quòd status præternaturalis meliùs non innotescat, quàm cognito priùs statu secundùm naturam: Ast nolumus actum agere sive ut ajunt, post Homerum Iliadâ scribere, ne disputatio hæc citrà necessitatem extendatur, quare videri possunt, diversorum Virorum celeberrimorum scripta, qui de his prolixè satis scripsêre, nos ad subiectum sive partem affectam, cui febris lenta cum marasmo inhæret, ocyùs transituri.

Thesis VIII.

Quòd si hîc marcescentiam corporis à febre lentâ tantisper abstrahere liceat, statuimus *illius* subiectum partes corporis nostri solidas seu consistentes: *hujus* verò, fluidas, hoc est spiritus cum humoribus, interque hos imprimis *Laticem sanguineum* tanquam veram & principalem succi nutritii scaturiginem, ita tamen ut massam sanguineam pro primariâ, reliquas autem partes pro secundariâ, utrasque tandem pro adæquatâ febris emaciantis sede habeamus.

Thesis IX.

Existimamus nimirum, in febre lenta massam humoralem lentore quodam & particulis heterogeneis variis, ac-

cribus,

dimur, quæ nimirum massam humoralem in perpetuâ intemperiei lentore & acrimoniâ conservat, hujus loco sistimus primarum viarum Cruditates diversi generis, sive majoris Chylum depravatum, & loco particularum balsamicarum & nutritiarum, particulis salinò-acidis, acribus, viscidis, crassis, præcipuè onustum; Cujusmodi perversæ chyli generationi, tam in Ventriculo, quàm intestinis, præter errores diætæ ansam præbere solent, vitia diversi generis succi pancreatici, bilis, Lymphæ intestinalis, salivæ & Liqueoris Gastrici: qui humores vel munere suo lentius funguntur, vel aliter Characterem suum peregrinum Chylo communicant: paucis quemadmodum morbi imprimis Chronici, communissimè coctionis primæ & secundæ vitiis suam debere originem dicuntur, undè Chyli sanguinisque laudabilis generatio præpeditur, ita etiam febris lenta, ortum & scaturiginem suam ab iisdem, nunc proximius, nunc remotius ut plurimum trahit.

Thesis XII.

Antecedentium porrò causarum, sed Remotiorum nomine nobis veniunt res naturales dictæ, & quidem Primò Temperamentum; nullum horum feberi *Μαγασμώδη* seu Lentæ producendæ magis aptum videtur, quàm Cholericum seu biliosum & Phlegmaticum, *illud* ob particulas massæ sanguineæ copiosè intertextas biliosas, acres, fervidas atque Lymphæ simul defectum; *hoc* propter seri excrementitii & pituitæ sals - acido - viscidæ frequentem excessum; Temperamentum verò Sanguineum ceu obesitatis genuinam matrem excludimus, eò quod sanguis copiosioribus particulis balsamicis, gelatinosis, dulcibus & hinc nutritioni aptissimis turgidus, rarò admodum morbo ex gravi sanguinis vel acredine, vel majori lentore & visciditate prodeunti portam aperiat: Secundò Ætas, cujus nullam speciem hinc licet excludimus, nihilominus juvenilis & virilis ad hunc morbum inclinat, calor enim cre-

ſcentibus annis , etiam ipſe increſcens , Lympham roſci-
 dam ſeu ſerum nutritium magis abſumit & diſſipat , unde
 ſanguis fit viſcidior , acrior , ejusque motus rapidior teſte
 Hippocr. Aphor. ſect. 5. aph. 9. Φθίσις γίνεται μάλεſτα ἡλι-
 κίησι τῶσιν ἀπὸ ὀκτώ καὶ δέκα ἐτέων μέχρι πέντε καὶ τριήκοντα.
 Senes tamen etiam morbo iſto nonnunquam corripi vi-
 dentur , quoniam in his ſucci nutritii fontes maximâ ex
 parte ſunt exhausti , Calidum innatum ſecundum Veteres
 ferè extinctum , hinc ſanguis quaſi vappescens ad Lente-
 ſcentiam cum febriculâ contrahendam ſatis pronus : Vi-
 denturque Practici hunc affectum maraſmi ſenilis nomi-
 ne peculiariter inſigniviffe ; infantes autem feбри hecticae
 ab obſtructione glandularum meſenterii oriundæ , mul-
 tùm eſſe obnoxios , in vulgus notum eſt : Tertiò huc ſpe-
 ctat Diſpoſitio hæreditaria ; enimverò Experientia do-
 cer , in quibusdam familiis eâdem phthiſeos conditione ,
 imò nonnullos eâdem ætate hęc malò ſucceſſivè fuiſſe
 mortuos : Quartò quoad Sexum febris Lenta utrique ſexui
 morbus eſt familiaris , Feminis tamen magis quam Viris
 inſidiatur ; Cùm illæ ob affectus Uteri varios ſanguinem
 minùs laudabilem facilè acquirant ; imprimis menſium
 defectu laborantes , frequentius Chloroſim cum feбри
 Lentâ incurrunt , quòd ſanguis ob ſtagnationem & len-
 tiorem curſum acidior & viſcidior reddatur , totamque
 ſic maſſam humoralem pededentim inquinet , quò forte ali-
 quid conferre poteſt in Virgunculis Thoracis & Lumbo-
 rum conſtrictio , ut juncæ ſpectentur .

Thesis XIII.

Res non naturales , ſive cauſas externas & procatarcti-
 cas , quarum legitimo uſu corpus noſtrum in ſanitatis in-
 tegritate conſervatur & illegitimo pluribus morbis vicif-
 ſim exponitur , quod concernit ; ſunt illæ primò Aër ,
 qui quantitate , qualitate , & motu peccando quosdam ad
 febrim lentam diſponere , alios autem ad hanc propen-
 ſos aut

fos aut eâdem jam affectos variè lædere solet; Est enim aër, crebris suis mutationibus, quas ratione temporum anni, tùm Ventorum vaporumque putridorum admistorum inire solet, in alterandâ massâ humorali & spiritibus maximarum virium, quas quidem exerit vel *inspiratione* sui, vel circumambiendo corpus, ejusque poros, quos nunc nimis aperit, nunc constringit, sicque sanguini diversimodè labem affricat, sic aër Calidus nimis, multum ad febrim lentam producendam contribuit, quatenus Elasticis suis particulis, sanguinem cum succo nutritio nimis attenuat, rarefacit, & transpirare facit, sicque intendendo particularum motum, easdem exasperat, acriores reddit, bilem adauget; è contrà Frigidus, nimis humidus, vel densus, nebulosus &c. impediendo necessariam serosorum effluviorum transpirationem, excrementa in corpore cumulat; spiritus & humores in motu suo languidos, in consistentia verò spissos reddit: Effluvia tandem metallica, sulphurea, aliaque quandoque ex Ore & corpore heclicorum & phtisicorum hauriri solita, multos heclicos & tabidos reddiderunt.

Thesis XIV.

Secundò Alimenta tam solida quàm fluida cùm vel quantitatis, vel qualitatis, modi & temporis assumendi ratione, error aliquis gravis & continuus in iis committitur, ad febrim lentam maximè disponunt; Enimverò Cibi cujuscunque generis si quantitate nimia ingerantur, Ventriculum onerant, ejusque actionem haud parùm impediunt, dum enim liquor gastricus tantæ moli dissolvendæ insufficiens est, non modò cruditates in illo accumulari, sed & Chylum minùs laudabilem per vasa Lactea massæ sanguineæ affundi necesse est, qui dehinc eandem magismagisque turbat; pariter Esculenta crassa, nimis viscida, multum salita, fumo indurata, verbo dyspepta, item acida, mellita, Saccharata, facilè corruptibilia, uti sunt

Carnes animalium vetustorum, olerā, legumina, acetaria, Lacticinia, caseosa, fructus horæi &c. Chylum indolis ejusdem nunc crassum, viscidum, nunc particulis acribus, vel admodum fermentescibilibus inquinatum producunt: Quod ultimum Cibi nimis aromatizati, calidi & acres imprimis præstant, humores & spiritus animales præternaturaliter exagitando, sanguinemque particulis admodum Volatilibus efferis imbuendo, eumque seroso-aqueis eò magis privando, quò in majori copiā ingesti fuerint; tandem ex ipso Defectu alimentorum lentam oriri febrim, nemini mirum videri potest: Cùm deficiente hoc modò nutrimenti necessarij affluxu sanguis in se ipsum jugiter agere, particulasque balsamicas & dulces absorbere & depascere cogatur, quibus absumptis, cæteræ magis ferociunt, motumque in totâ massa humoralis præternaturaliter intendi faciunt: Quoad Potulenta vina, alique potus generosi quò cibus sunt Volatiliores & subtiliores, eò etiam facilius omnes corporis nostri partes pervadunt, & particulis suis activis fervidis & acribus sanguinem & spiritus in motum ferocem adigere possunt; hinc frequentius febrim Lentam Vini generosi, spiritus vini, Cerasorum nigrorum, aquæ vitæ, & similium igneo-sulphureorum spirituum Potatoribus insensam esse notamus, effectum contrarium producentibus vinis crassis, tartareis, aut etiam Cerevisiæ minùs defæcatæ, aquæ imprimis frigidæ & paludosæ frequenti ingurgitatione.

Thesis XV.

Motus & quies, somnus & Vigiliæ, uti admodum affines existunt, ita sin excefferint modum, pariles producunt effectus: Quemadmodum enim motu corporis nimio, laboribus, aut aliis exercitiis vehementioribus, studio pariter nimio, meditationibus frequentioribus, lucubrationibus nocturnis &c. Calorem universim intendi, indeque spiritus animales cum sero sanguinis balsamico

immi-

imminui & disperdi videmus, relictis in eodem particulis viscidis & acrioribus, ita Lentam ab his febrim sæpius pullulare constat; è contrà quies & somnus nimius fluidum animale pariter ac vitale torpidius reddentes, chylificationi multum officiunt, secretiones & excretiones humorum variorum sufflaminant & impediunt, unde cruditates in toto cumulari necesse est.

Thesis XVI.

Ab animi Pathematibus gravioribus & diuturnis febrim *μαρasmus* progigni, multis exemplis probare possemus, nisi multiplici experienciâ hæc satis perspicua esse putaremus; sic in irâ spiritus quasi accendi, particulas sanguinis valdè exagitari, acres reddi, imò in suâ miscellâ turbari posse, neminem latet; quid moeror, timor ac tristitia in spirituum & sanguinis motu deprimendo & figendo quasi, inde Lentorem & visciditatem massæ humoralis inducendo possint? omnibus constare arbitramur.

Thesis XVII.

Non parùm tandem huc subministrare possunt Excreta & Retenta, enimverò si excernenda retineantur, massam sanguineam gravant, inquè suo motu & crasi turbant, imò noxias quandoque qualitates illi inducunt; & si quæ essent retinenda, copiosè excernuntur, spirituum animalium non minùs, ac particularum balsamicarum aliarumque volatilium jactura in corpore præstò est non sine insigni detrimento: huc faciunt Hæmorrhagiæ nimix, sudores nimii, Venus nimia, salivæ, feminis & Urinæ profluvia nimia: prout ex adverso inter excernenda retenta. v. g. Menses & Hæmorrhoides in assuetis cum lochiorum suppressione & transpiratione quovis modo impeditâ, aliisque hujus generis referimus: neque hic reticendus Nicotianæ fumus, qui in ficcioris præprimis temperaturæ hominibus serum alibile insensibiliter exhaurit: huc referimus maciem illam febris Lentæ æmulam, quâ

ob fortiolem & continuam infantis ſuctionem & hinc nutrimenti ſubtractionem lactantes ad tempus non rarò moleſtantur.

Theſis XVIII.

Recenſitis hætenus cauſis addimus res diverſas præternaturam, aut morbos diverſæ ſpeciei præcedaneos, in quibus ſpiritus animales fuerunt vel exhausti, aut etiam maſſa ſanguinea ſuis particulis balsamicis, nutritiis & activis defraudata; uti ſunt febres acutæ, dysenteria, fluxus coeliacus, Hæmorrhagia uterina, Lues Venerea, Variolæ & morbilli, ſcabies intempeſtivè retropulſa &c. quæ omnia cauſis antecedentibus Aliqui non malè annumerabunt: huc pertinent Secundò auxilia tam Chirurgica v. g. Venæ ſectio, Cucurbitulæ cum ſacrificatione, tonticuli, ſetacea, balnea &c. ſiniſtrè uſurpata: tum etiam Pharmaceutica v. g. Vomitoria, purgantia, diaphoretica, diuretica, diverſique generis alterantia, contrà artis præſcriptum in uſum vocata; trahimus huc etiam venena & quæ his ſunt affinia.

Theſis XIX.

Absolutò hunc in modum cauſarum Examine, ad Differentias hujus affectûs pergamus, & quidem Primo ratione ſpeciei, Lenta febris alia eſt Primaria, quæ per ſe incipit, & plerumque ex rerum ſex non naturalium abuſu procedit; alia Secundaria, quæ internarum partium morbis ut cauſis ſuccedit; cujus utriusque indolem nî fallimur ſatis diſtinctè hætenus docuimus. Secundò ratione Originis, alia eſt Hæreditaria, alia Acquiſita: Tertiò ratione Graduum, quos alii Species, Saniores autem Tempora vocant, alia Incipiens eſt aut in fieri, in quâ adhuc imperceptibilis eſt corporis conſumtio; alia Recens, cum magis evidens eſt corporis extenuatio; alia denique Confirmata aut inveterata dicitur, quando corpus ita exareſcit ut facies accedat Hippocratica, & Oſſa undique pelle

pelle tantùm circumcincta deprehendantur; qui ultimus gradus consummata tabes plerumque audit, & rarò admodùm curabilis existit.

Thesis XX.

Quibus ita perlustratis rectà properamus ad Signa tam Diagnostica, quæ statum morbi præsentem patefaciunt; quàm Prognostica: Illa Pathognomonica dicuntur, si infallibiliter morbum signent, & ab eodem sunt inseparabilia: Cùm autem ex uno solo signo febrim Lentam dijudicare nequeamus, eorum plura colligimus, quæ conjunctim Pathognomonica erunt, horumque sequentia sistimus. Primò *μαερασμὸν* sive maciem paulatim universum corpus prehendentem: Secundò Calorem præternaturalem totius Lenem & quasi occultum; post partum tamen sæpissimè (unâ sc. aut duabus horis post quando Chylificatio & distributio Chyli contingere solent) intendi & acriorem reddi solitum, qui deinceps Concoctione absolutâ ferè remittere & ad pristinum gradum redire consuevit: Studiosè tamen notandum, eundem calorem & eodem gradu penes plerosque in volis manuum & pedum, imò & facie sese manifestare: Tertiò pulsum non solum celeriores & frequentiores, sed & minores, debiliores, & nonnihil inæquales; præter hæc jam de signis febris Lentæ Pathognomonicis sequuntur nunc Signa eidem affectui cum aliis morbis communia, quæ mixtim cum propriis secundum morbi tempora etiamnum explicanda veniunt.

Thesis XXI.

Circà hæc sciendum est, in Principio (quod alii primum gradum vocant) hecticam hanc primariam seu febrim Lentam difficulter satis cognosci posse, cum juxta Thesin 19. vix ac ne vix quidem sensibilis sit externa corporis emaciatio, juxta tamen non prorsus non pereunte partium roscidâ & nutritiâ substantiâ; Urinæ etiam tùm sanorum

norum simillimæ apparent, coeteris utcunque itidem bene se habentibus; Verum in secundo illius gradu seu Augmento jam evidentior est corporis universi etiam secundum partes carnosas (vide Thesin modò cit:) emaciatio; cui appetitus imminutio, sitis plus minus intensa, linguæ ariditas, & salivæ glutinositas, hujusque ingratus sæpè sapor junguntur: accedit virium languor, & insignis membrorum lassitudo: respiratio quoque læditur facilius, cum corpus justò vehementius exercent, aut scalas aut montes ascendunt: quibus meritò accensentur frigus quod nunc in extremitatibus, nunc etiam toto corpore incurrunt, horripilationes, & phlogoses frequentes, pallidus faciei color, cum molestâ quandoque cordis palpitatione, visibili arteriarum in collo & fronte pulsu, dolor item capitis plus minus exquisitus, somnus ob insomnia turbulentus, &c. Urina excernitur jam magis tincta etiam lixiviosa, jam crassa, sæpè pinguis & oleaginosa propter pinguedinem colliquatam, quæ instar telæ aranearum ipsi supernatat; alvi excrementa sæpius sunt dura, feбри autem confirmatâ ac radicatâ copiosiora & liquidiora evadunt: sudor etiam noctu imprimis molestissimus est, in colliquativum magis, magisque desinens ac vires summopere prosterbens, quem citò pede sequitur totius corporis contabescencia maxima, & facies cadaverosa, Hippocratica, de quâ suprâ, quâ ægri vivum sceleton repræsentant, cujusmodi paucis antè diebus cum Aliis hîc in Nosodochio vidimus; quod si tandem diarrhæa & capillorum defluvium accesserint, ultimum & desperatum morbi hujus gradum imò mortem præ foribus adesse indicant teste Hippocr. aph. sect. v. §. 12. *ὁκόσπισιν ἀν φθισιᾶσιν αἱ τρίχες ἀπὸ τῆς κεφαλῆς ῥέωσιν, ὅττοι, διάρρροίης ἐπιγνομένης, ἀποθνήσκουσιν* & similiter in §. 14. *ὑπὸ φθισίως ἐχογῶν διάρροια ὑπιγνομένη θάνατῶδες*. Imminentem verò hunc affectum præsagire possunt res suprâ nominatæ naturales, non naturales, & præter-

præternaturales , quas iterum recensere foret superfluum.

Thesis XXII.

Signa Differentiarum quibus hectica primaria à secundaria accuratè dignosci possit , nobis hæud adeò difficile est dare ; nim. febrim hanc Symptomaticam produnt pulsus frequens & parvus , appetitus magis quàm in Lenta imminutus , sitis intensior , dolor capitis subinde pulsans , tensivus & gravativus cum totius lassitudine , porrò ægri nunc horrore levi corripuntur , nunc magis calent , non tamen acriter nisi sub vesperam , ubi calor sæpè mordax fit & ultrà mediam noctem non citrà vehementiam perennat : Lancinationes quoque artuum per intervalla infestant , Urina mingitur crassa , intensiùs tincta , cum sedimento crasso , & facilè turbatur : Sæpè etiam hujusmodi Lenta secundaria ad acutæ naturam accedit : Et si sit productum abcessûs cujusdam interni , communiter adesse consuevit respiratio difficilis , tussis , partis affectæ dolor , plus minus ardens , verbô , signum ferè Pathognomicum sunt appetitus prostratus & exacerbatio vespertino tempore usque recurrens , unà cum partium affectarum functione diversimodè læsâ , v. g. pulmonum , hepatis , aliarumque partium glandulosarum , de quibus videantur Practicorum libri.

Thesis XXIII.

Quibus omnibus hunc in modum præmissis Ætiologia Symptomatum potiorum haud erit redditu difficilis , quandoquidem tantùm non omnia massæ humoralis nunc visciditati & lentori , nunc etiam acrimoniæ falsacidæ , & plus minus muriaticæ , vitiis insuper succi nutritii , Spirituum motui irregulari eorumdemque defectui aut depressioni ortum suum debent , v. g. Pulsus frequens & debilis , pariter ac calor ab initio lenis notatur , quia tàm fermentatio Sanguinis mitior , nec magna Spirituum

agitatio præternaturalis adest : His autem incrementum sumentibus crescit & ille, Spiritibus juxtà non parùm in auras abeuntibus. Marasmus totius corporis fit ex continuatâ nutritionis imminutione, diximus enim suprâ, Sanguinem in tali statu vel ineptum esse ut nutriat, potius asperitate sua rorem nutritivum inquinare, vel hunc lento subacri tamen calore successivè colliquare, & sic partes corporis solidas necessariò decrescere. Sudores nocturni molesti sunt vel quod ab accedente aliquâ Chyli illaudabilis portione in massa humoralis ob particularum incongruitatem motui indecenti sive Fermentationi vitiosæ ansa datur, vel quòd particulæ heterogeneæ exundantes motum similem ex se excitant, quarum per poros cutis expulsionem copiosam natura dein molitur. Alvi fluxus oritur, vel quando humores liquefiunt vel quando alimentorum in ventriculo & intestinis solutio & in Chylum conversio variè læditur, de quibus omnibus ut & aliis in antecedentibus actum fuit.

Thesis XXIV.

Diagnosin sequitur Prognosis, quæ eventum morbi salutarem aut tristem, lentum vel etiam citiorem nobis patefacit, in quâ explanandâ, ut feliciter versemur, respiciendum erit ad morbi hujus tempora; *ἐν ἀρχῇ* seu *ab initio*, febris lenta faciliè curari posset, modò patiens clanculùm irrepentis inimici sui Stratagemata observare posset, aut nonnunquam Medico, ipsum de hoste submoumenti credere vellet, & huic in tempore obviam iret; in *secundo gradu* pro ratione tamen ætatis, causarum, & Symptomatum, difficilioris est curationis: Sic v. g. in junioribus faciliorem, in adultis difficiliorem, in senibus nullam ferè amplius admittit curationem: Porro febris hæc tantò periculosior quantò firmiores ejus causæ radices egerint: Ubi *tertium* tandem *gradum* morbus hic attigit, rarissimè aut difficillimè curatur: ratione durationis aut

nis aut longitudinis febris hæc existit Chronica , & ad aliquot non solum menses , sed & annos produci solet ; cum primis si ægrotus accuratam diætam indefinenter observaverit , at ubi semel malum hoc profundiores radices egerit , imprimis ubi in hecticam secundariam ob erosionem visceris alicujus vel scirrhosam partium glandularum obstructionem transierit , diu amplius affligere non solet , sed promptè ad Lethum ducit , & sicubi patiens summè emaciatus , sudoribus nocturnis juxtà defluat , nunc capillorum defluviò & diarrheâ superveniente vide modò cit. aph. Hipp. spes omnis decollat : Circà hecticam verò hic generaliter notamus , neutiquam illam sanari posse , nisi pars affecta , eandem producens & fovens , ab omni labe fuerit restituta , curandi verò modum & rationem hic tradere non est nostri instituti.

Thesis XXV.

Præmissis ita quæ ad febris nostræ theoriam necessaria visa sunt , cum eventus ejus non usquè salutaris , illius *θεραπεύειν* medendique methodum meritò subjungimus : ne verò quicquam *ἀμετρώως* agere videamur , Curationem secundum indicationes , ut Medicum Dogmaticum decet , instituemus : horum *prima Curatoria* à morbo ipso & continente sive proximâ causâ petita vult , febris hujus ablationem , quam consequimur per sublationem causæ proximæ : turbata porrò mixti unio restauranda est eliminatione & correctione particularum heterogenearum , Sanguineam massam in motu & crasi suâ sive temperaturâ graviter lædentium. Calor inde totius præternaturalis attemperandus , sanguis acido . salus & acris edulcorandus , invertendus , Lentus & Viscidus incidendus , attenuandus , volatilifandus ; pariter serum glutinosum aut viscidum incidendum , resolvendum , perque convenientes sudoris aut Urinæ vias pro ratione eliminandum , particulæ nutritiæ deficientes restaurandæ ,

Spiritus quoque animales impetuosè agitati demulcendū sunt, Verbō, omnibus viribus eò allaborandum est, ut Sanguis laudabilem suam temperiem, & balsamicam naturam recuperet, massaque humoralis Universim necessariam activitatem & volatilitatem rursū accipiat: *Secunda Praservatoria* à causa antecedente deprompta expectit primæ concoctionis renovationem, seu potius restorationem quam obtinemus, saburram vitiosorum humorum è primis viis evacuando, acrimoniam humorum acidosalinam & biliosam corrigendo, viscosos humores incidendo, resolvendo, & attenuando, simulque vias illic obstructas referando, & sic Circulationem fluidi humoralis ubique pro Viribus restituendo ac promovendo: *Tertia Vitalis* à Viribus desumta particulas corporis nutritias γλισχεράς seu balsamicas deficientes restituere, Spiritus universim reficere, tonumque deperditum partibus reddere viresque universim conservare jubet, quibus utique μαρδάσµω aliisque Symptomatibus medelam ita parabimus ut *Mitigatoria* indicatione opus non sit futurum: indicationibus hisce satisfiet per Remedia ex fonte Pharmaceutico & Diætetico præcipuè petita, cum Chyrurgicum nullum hic magnopere usum habere posse nobis persuasum sit.

Thesis XXVI.

Fons Pharmaceuticus quamplurima nobis suppeditat Remedia, tam evacuantia, quàm alterantia & præparantia & si velis corroborantia: ex illis commendamus Primo purgantia mitiora, quæ humores crudos, pituitosos, acres &c. in Ventriculo & intestinis inprimis latentes, leniter ac sine omni Virium jacturâ educunt, viasque obstructas aperiunt & abstergunt: proderunt autem magis in liquidâ quàm solidâ formâ; Undè decocta, potiones, infusa, & electuaria, pilulis cum primis aloëticis præferuntur, quas tamen neutiquam planè rejectas volumus, quæque ubi prudens Medicus è re esse judicaverit, parari possunt.

possunt ex massa Pilul. Tart. Extracto Panchymagogo, ex fol. Sennæ. Rhabarb. Agar. Diagr. Merc. Dulc. cum Sale aliquo fixo, Absynth. cent. min. pro stimulo addi possunt; ad alias formulas leniter purgantium profunt Rhab. rad. fol. Sennæ, agaricus, manna Calabr. Syr. Ros. fol. simpl. & comp. syr. de Cichor. cum Rhab. Syr. Fl. Persic. Acac. imprimis apud puerulos &c. pulpa Prun. Tamarind. Passul. &c. quibus omnibus nonnunquam humores noxii per alvum sæpè cum euphoriâ & blandè educuntur; Purgantia verò fortiora ut noxia & quæ M. H. summoperè exagitant cum Spir. anim. sæpiusque cum serosis quas vacuant particulis, de nutritiis corpori quàm maximè necessariis, non parùm unà absumunt, meritò repudiamus: Unde hâc de re Hipp. Aph. Sect. 4. §. 16. ἐλαέβορος ἐπικίνδυνος τοῖσι πάσι σώφρασι ὑγιέας ἔχει σπασμὸν γὰρ ἐμποίει: Vomitoria quod verò concernit, blanda ab aliquibus equidem suadentur, nos verò vix ac ne vix quidem, & non nisi in primâ morbi hujus pullulatione, ubique saburram in ventriculo majorem pro causâ agnoverit, illa in usum vocari posse censemus, habitò simul respectu ad ægri constitutionem & vires constantes: Clysterum usum commodum & magis convenientem esse novimus, utpotè quibus in intestinis contenta & hærentia, eluuntur & absterguntur, alvusque si segnior fuerit stimuletur, & ad dejiciendum sollicitatur.

Thesis XXVII.

Quoniam universaliter vacuantibus, Diuretica & Diaphoretica accenseri solent post Cathartica jam de his dicendum erit; Sudorifera quòd attinet, apta videntur esse attenuandis humoribus viscido - serosis, iisdemque evacuandis, quia facilè colliquant imprudenter exhibitæ, & succum nutritium spiritusque & sanguinem ferocire, particulisque balsamicis depauperari faciunt, eà propter nisi parcâ dosi & simul temperata adhibere quis

noverit, exulare jubemus: temperata autem appellamus quæ humores acriores unâ infringere, absorbere, mitigare, particulasque peregrinas leniter & insensibiliter per poros cutis educere valent, ex horum numero sunt Antim. Diaph. Diaph. Jov. Bezoard. min. Mart. Pulv. Viperin, C. C. pph. ppt. Unic. foss. & his similia, omissis Sal. volatilib. empyreumat. pariter conducunt Aq. destill. Fl. Samb. Fumar. Chærefol. Cardb. Meliss. Scabios. &c. de Diureticorum usu, quorum seriem hic allegare supersedemus, eundem in modum sentimus, temperata illa esse debere, mucaginem viscidam in partibus glandulosis blandè resolventia & reserantia, sanguinisque lentorem incidendo paulatim corrigentia.

Thesis XXVIII.

Evacuantibus hisce meritò subjungimus & commendamus ea ex Alterantibus, quæ Virtute pollent modò nominatam mucaginem viscidam in partibus attenuandi & tollendi, particulas falsacidas, viscidas, heterogeneas in M. H. infringendi absorbendi, incidendi, acriores invertendi, & si copiâ peccent convenienter educendi, sicque universim Sanguinem volatilifandi, edulcorandi, Spiritus insuper reficiendi, particulas nutritias partiumque solidarum tonum restaurandi; Animus autem non est omnia & singula ad lentam febrim ab Authoribus hinc indè commendari solita hîc enumerare, sed saltem Selectiora & quæ in Praxi nostra qualicunque hætenùs proficua fuisse novimus: Primò itaque in censum attenuantium viasque reserantium referimus non-nihil acria, amaricantia, & aromatica, blando sale volatili plus minùs oleoso turgida; cujusmodi sunt Rad. Angelic. Imperat. Enul. Aron. Fœnic. Ononid. Vincetox. Apii. Zedoar. Chin. Sarsapar. &c. Lign. Guaiacum. Sassa. &c. Herb. Veron. Chamædr. Theè, Menth. Meliss. Marrub. Cardb. Summit Cent. min. &c. Fl. Genist. Hyper. Primul. Ver. &c. Sem.

Sem. Anis. Fœnic. Apii. Nasturt. Cochlear. Bacc. Junip.
Cort. Citri. Aurant. Cinam. Nux. Mosch. Macis, Croc.
Myrrh. Mastich. Gumm. Ammon. quibus utique accen-
senda veniunt varia ex his plantis in Officinis parari soli-
ta Extracta, Tinct. Syr. Aq. Destill. Elixiria quorum in-
ter Schaffneri: Imprimis verò commendamus succos plan-
tarum vulgò nasturcinarum v. g. Cochlear. Nast. aq. Bec-
cab. Borrag. Fum. Plantag. Bell. min. Trifol. fibr. Raph.
rust. &c. recens expressos ac filtratos ab ʒij. ad ʒiis.
manè ac vesperi per plures hebdomadas in jusculo car-
nium non salito propinandos; si succi haberi nequeant
aquæ destill. harum plant. ad ʒ. plures ipsorum locum ut-
cunque supplebunt; majorem utilitatem Aq. destill. af-
feret usus Pulv. Lumbric. Milleped. vel etiam Viperar. si
haberi possit M. ac V. Secundò è Chymia peti debent
resolventia cuncta, salina, urinosa sc. Alcalica & Salsa:
ex his seligimus Sal. volat. Oleos. Sylv. Sal. volat. Vipe-
rar. Ammon. Sed parcâ dosi: Sal. Fix. Absynth. Cardb.
Cent. min. Ononid. Stipit. Fab. &c. Tart. Vitri. Arcan.
Dupl. Nitr. Ebur. Corall. Succin. Alb. ppt. Mater Perl.
Conch. ppt. &c. Tinct. Antim. & Sal. Tart. quæ tamen
omnia circumspèctè in usum erunt vocanda: Imò neque
blanda acida hinc arcemus, cum hæc etiam viscidos hu-
mores incidant v. g. Elix Vitriol. Mynsicht. Propr. Parac.
Spir. Sal. Dulcis, Crem. Tart. &c.

Thesis XXIX.

Porro existimamus salino-acidas & acres particulas
humoribus copiosius intertextas, edulcorari & alterari
per ea quæ illorum aculeos discontinuant, prouti videmus
Spir. etiam acidissimum temperari si multum Aq. ipsi
affundamus, v. per pinguia, subpinguia & mucilagino-
sa, quæ particulas humorum acres non solùm inviscant,
sed & partium solidarum superficies quas contingunt con-
trà illorum invasiones incrustando quasi defendunt, hu-
jus ge-

jus generis sunt Emulsiões ex Sem. Frigid. Amygd. &c. Gelatinæ item & Mucilag. Rad. Althææ, Gumm. Tragac. parari solitæ, Crem. Hord. quibus addimus Oleum, Butyrum, & Lac. de Cura verò Lactis inferius adhuc dicemus: Nullatenus autem prætereunda terrea & martialia, quæ aculeos humoris cujuscunque imprimis acidi, absorbent, imbibunt, præcipitant, invertunt, ac enervant, ex quorum censu sunt tum suprâ allegata Corall. Ebur. Ocul. Canc. C. C.ustum est pph. ppt. Mater Perl, Mand. Lucii Pisc. Bolus arm. Terra sigil. decantatum præprimis specif. Antih. Poterii. Diaph. Mart. & Jov. Cinnab. nat. & Antim. Crocus Mart. Aperit. Vitr. Mart. Tinct. Mart. Ap. quæ ut alia Chalybeata liquidis & mōbilibus suis particulis viscidos humores instar scoparum abstergunt, acidosque humores egregiè corrigunt; de fixis sciendum est, quod per accidens, dū nempe acidum humoribus implicatum tollunt, attenuare & vias obstructas referare possunt; tandem huc pertinent etiam dulcia, falsum imprimis muriaticum corrigentia: v. g. Rad. Liquir. Filic. Passul. Jujub. Ficus &c. Lubens hic omitto vulnerariorum Classē quæ particulis suis quibus gaudent terrestribus, adstringentibus ac Balsamicis multum prodesse possunt; præter non nulla ex recensitis quæ Spiritus reficere etiam solent, sunt Ess. Ambr. Aq. Cinam. Aq. Card. Offic. Conf. Alkerm. & de Hyacinth. completa & incompl. Spir. Ceras. nigr. Aq. Matth. & similes cum grano tamen salis usurpandæ, ne evadant Aq. mortis. Opiata quoque refractissimâ dosi adhibita & non nisi in atroci Spirit. anim. agitatione insigniter demulcere & humorum acrimoniam corrigere valent; quando verò malum confirmatum est, & imprimis ubi hæctica simul accesserit præter Diascord. Fracast. vix aliud suaserimus, nisi forsan necessitas id postulaverit, quo in casu Laud. Cydoniat. Tinct. Opii Langelot. &c. cum aliis in exiguâ dosi adhiberi

beri possunt: de Tinct. Antipht. adeò in hectica febris ab aliis commendatâ, hic notandum, quòd, licet sudoribus colliquativis frænum injiciat, crebrius tamen sumta ventriculo sæpius noceat, fortè quod saturnina ei sunt minùs grata, quare eadem ut alia omnia cum cautelâ erit usurpanda.

Thesis XXX.

Quoniam autem in §. præced. asseruimus, Lac multum in curatione febris lentæ præstare, rationem asser-
tionis nostræ paucis annectemus, nim. Lac ob particu-
las suas balsamicas, dulces, optimè nutrit, ob serosas
humeat, ob utrasque verò acredinem humorum diluit
ac obtundit; ob eandem rationem Lac artificiale, hoc est
Emulsiones, tabidorum & hecticorum analeptica præ-
stantia esse novimus, dum serum restituunt, hujusve acri-
moniam involvunt, & quia lac muliebre naturæ nostræ
magis congruum est, hoc reliquis facilè palmam præri-
pit, ad quod proximè accedit asininum, quod non faci-
lè in ventriculo coagulari, nec inibi diu morari, sed sta-
tim ob seri Nitrosi copiam distribui solet: tertium locum
damus lacti caprillo, quod vaccino magis serosum est
minusque crassum: Circà hunc autem lactis usum obser-
vandum est studiosè, ut primæ viæ ab omnibus crudita-
tibus cumprimis acidis, priùs liberentur, ne in caseosum
coagulum abeat, ad quod impediendum, usque etiam
injici solet parum Sacchari albissimi, vel etiam anisati,
aut Conf. Ros. Omne verò Lac assumendum est calidum,
sivè dein ex mammis emulgeatur protenus, sive in vase
debito post calefiat; post assumtum Lac æger nec planè
quiescat, nec vehementer se commoveat, quandoque ta-
men post Lac epotum cum fructu somno brevi indulgeat:
In ordinando Lacte Practici plerumque ab ℥iiij. incipi-
unt & ascendunt ad libram unam: tùm etiam conducibi-
lius longe esset, si ægri natura id admitteret, nullo planè
D aliò,

aliô, præter lacticinia uti alimento, cum ab aliis simul assumtis, imprimis sin acidula misceantur, facile noxa suboriatur. Assertum hoc confirmat Hippocr. Aphor. Sect. 5. ἀρμόζει δὲ πῶσι φθινώδεσι μὴ λίην πολλῶ πυρέσσειν δίδόναι γάλα.

Thesis XXXI.

Quod verò usum aquarum mineralium imprimis acidularum quæ aliàs deobstruere & dyscrasiam Sanguinis hecticam & scorbuticam potenter emendare dicuntur, spectat, judicium nostrum tantisper suspendimus, equidem nisi tonus ventriculi in tali ægro fuerit probè constitutus, malumque recens & causa proxima minimè pertinax & radicata, minùs utiles ipsas fore arbitramur. Præmissis præmittendis aquæ minerales quæ naturâ calidæ sunt & tales hauriuntur tutiùs in primis mali hujus incubulis usurpantur, ceu sunt Fabariens. & Plumbariens.

Thesis XXXII.

Juxta internorum Medicamentorum usum Externorum quoque non est negligendus, hunc in finem commendamus balnea, vel ex aquis mineralibus vel ex aqua simplici sola, vel in quâ herb. Malv. Alth. Branc. Ursin. Fol. Salic. Flor. Chamomill. Sambuc. Rad. Nymph. Sem. Lin. & his simil. sunt incocta. Sumunt alii Lactis bubuli certam quantitatem vel etiam olei quid affundunt hæc enim & similia non tantum totum Corporis Ambitum aliquo modo refrigerant; sed eundem aridum humectant, fibrasque exsuccas quasi & tenas relaxant aptasque reddunt, ut alimentares particulas eò facilius recipiant; sit verò calneum moderatè Balidum illudque ingrediatur patiens matutino tempore depositis prius alvi & vesicæ excrementis, duabus ab assumpto nim. lacte vel jusculis sive nutrientibus sive herbaceis horis; ultra semihoram autem vel tres horæ quadrantes in balneo non moretur, ex eodem egrediens linteis tepefactis detergatur æger, & ad spi-

ad spinam dorsi inungatur vel oleo amygdalarum dulcium, Lil. albor. rosar. ex pineis, pinguedine humana Ungt. ros. : Litus enim cum oleis & pinguibus in hecticis & atrophia particulari & universali laborantibus egregii sunt. Commendant aliqui hecticâ laborantibus infusiones seu balnea ex pedibus animalium v. g. vitulorum, ovium, & simil. parata.

Thesis XXXIII.

Hæc de remediis ex fonte Pharmaceutico petitis sequitur fons diæticus, qui sex rerum non naturalium usum convenientem suppeditat. Aër in quo versatur ager sit temperatus & qui ventis blandioribus perfletur, vitetur nimis Calidus & æstivans, pariter ac frigidus: Calidior plantis refrigerantibus & humectantibus conclavi & pavimentis inspersis alterandus est, ut potè à quo ægri insigne levamen persentiunt. Cujusmodi sunt fol. vit. portul. endiv. fl. viol. rosar. &c. Aqua frigida; Vitandus aër autumnalis crassus densus nebulosus, pluviosus aut particulis nocivis inquinatus. Cibis utatur modicè *εὐχύμοις, καὶ εὐπέπτοις, καὶ πλότυστοις* hoc est multi & boni succi facilisque digestionis, uti sunt Carnes vitulinæ, agninæ, gallinarum, perdicum, caponum, conveniunt quoque jacula destillata ex his parata, item gelatinæ, Crem. hord. Lac. &c. quæ succum nutritium promptè restitunt humorumque acrimoniam obtundunt: Canceri porro fluviatiles ritè parati imò & succus ipsorum expressus sub formâ, usculi; quotidie mane per plures hebdomadas assumptus, egregiè succum nutritium restaurare totamque Mâs. H. edulcorare creditur: Laudamus insuper si æger appetat pisces fluviatiles, truttas, salmunculos, fundulos &c. Aromatibus decenter correctos: è Contra arcemus hinc omnia Cruda, Crassa acria, salsa, fumo indurata, Muria Condita, aliaque sup. th. citata. Potus sit neque nimis Spirituosus aut Calidus uti Vinum generosum, neque nimis frigidus sed temperatus pariter, quin imò satius erit vino abstinere & hujus loco decocto uti si ve ex rasurâ C. C. sive hord. sive ptisanâ extrad. liquirit. semin. anisi & passul. min. paratâ, forte etiam potus herb. Theè malominus radicato, & M. H. lentescere incipiente concedi potest. Somnus & Vigiliæ, motus & quies modum teneant, præstat tamen somnus blandus Vigiliis pertinacibus. Excreta & retenta quod concernit, alvus quotidie suo fungatur officio & si

& si segnior leni quodam Clystere aut Laxante sollicitetur; si nimis laxa blande adstringatur; Menses suppressi pro ratione cieantur: denique ira, moeror, curæ & tristitia summo fugiantur studio, è Contra animus sit hilaris tranquillus, jucundisque Conversationibus recreetur πάν τὸ πολὺ τῇ φύσει πολέμιον τὸ δὲ κατ' ὀλίγον, ἀσφαλές.

Thesis XXXIV.

Supra meminimus fontis Chyrurgici exiguum esse in hoc affectu usum, quoniam paucissima inde depromi possunt adminicula. V.S. enim nullum hic invenit locum, nisi ex accidenti prorsus ubi mensium suppressioni incipienti ex qua hoc malum sensim succrescere posset, medelam illâ parare velimus. Eadem est ratio cucurbitularum cum scarificatione applicari solitarum, frictiones tamen interdum, cum oleosis & balsamicis ut Ol. Amygd. dulc. ung. nervin. ceu supr. innuimus, interdum institui possunt; setacea & fonticuli præservationis gratiâ adhibentur ubi humores serosi acres in toto abundaverint.

Thesis XXXV.

In genere de alterantibus sup. dictis ex Cl. Sylvio monemus ab horum blandioribus ac temperatioribus, demùm ad potentiorum & fortiorum usum esse progrediendum, ne impetuosiore alterantis vehementioris actione vehemens quoque in M.H. agitatio & præpropera nimis alteratio, cum symptomatibus gravioribus excitetur, quam quidem cautelam quivis junior Practicus sibi commendatam habebit, ita tamen ut gradum medicamenti alterantis vitio humoris proportionatum usque attemperet. Et hæc sunt quæ pro ingenii modulo de præsentia affectu nobis meditari licuit. D. O. M. pro concessâ suâ Gratiâ sit Laus & Honor in sempiterna Secula.

F I N I S.